



Adresa: Ul. H.Čemerlića 39a
71000 Sarajevo
<http://www.voda.ba>

tel. +387 33 726 444; 726 408;
fax. +387 33 726 423
e-mail: info@voda.ba

Broj: **UP-1/21-2-40-167-2/25**

Datum: **28.04.2025. godine**

«Agencija za vodno područje rijeke Save» Sarajevo rješavajući po zahtjevu Grada Goražde donošenje rješenja o vodnoj saglasnosti na projektnu dokumentaciju za aktivnost – izgradnja/polaganje dijela trase kolektora oborinskih voda na lijevoj obali rijeke Drine na dijelu parcele označene kao k.č. broj: 1969/11 i 4060 K.O. Goražde I, grad Goražde, dionica u ul. 1. Maj, na osnovu člana 109. stav (1), a u vezi sa članom 12. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj: 2/98, 48/99 i 61/22) d o n o s i

RJEŠENJE **o vodnoj saglasnosti**

1. Pravnom licu Grad Goražde, daje se vodna saglasnost na projektnu dokumentaciju za aktivnost – izgradnja/polaganje dijela trase kolektora oborinskih voda na lijevoj obali rijeke Drine na dijelu parcele označene kao k.č. broj: 1969/11 i 4060 K.O. Goražde I, grad Goražde, dionica u ul. 1. Maj, a prema slijedećoj projektnoj dokumentaciji:
„Izvedbeni projekat oborinskog kolektora iz naselja Obarak do rijeke Drine u Goraždu (dionica u ul. 1. Maj)“, urađen od strane ENOVA d.o.o. Sarajevo, januar 2024. godine.
Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projekta dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektno dokumentacije iz tačke 1. ovog rješenja, utvrđenog činjeničnog stanja i pod slijedećim uslovima:
 - 3.1. Sve radove na izgradnji/polaganju dijela trase kolektora oborinskih voda na lijevoj obali rijeke Drine na dijelu parcele označene kao k.č. broj: 1969/11 i 4060 K.O. Goražde I, grad Goražde, dionica u ul. 1. Maj izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Tehnologiju izvođenja radova prilagoditi uslovima na terenu uz odgovarajuće osiguranje ljudi i materijalnih dobara.
 - 3.4. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja dođe, prethodno će se rješavati uz saglasnost i nadzor mjesnog nadležnog operatera koji upravlja tim instalacijama i isti će dati tehničke uslove za izvođenje ovih radova.
 - 3.5. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
 - 3.6. U toku radova iskopani materijal i otpad se ne smiju ni privremeno odlagati na zemljišnu česticu „vodno dobro“, odnosno unositi u vodotok i na njegove obale.
 - 3.7. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanje kvaliteta vode i dr.).
 - 3.8. U toku izvođenja radova obezbjediti rad sa tehnički ispravnom mehanizacijom, da ne bi došlo do zagađenja voda od eventualnog curenja ulja i naftnih derivata.
 - 3.9. Po završetku radova potrebno je izvršiti uređenje korita, obala i pojasa u kome su vršeni radovi, tj. dovođenje kompletnog terena u prvobitno stanje.

- 3.10. Investitor (korisnik vodne saglasnosti) je obavezan ispoštovati uslove iz Rješenja o urbanističkoj saglasnosti broj: 04-4-19-2-807/24 od 03.04.2025. godine donesenog od strane Službe za urbanizam, prostorno uređenje i komunalne poslove Grad Goražde.
4. Ukoliko se izvođenjem predmetnih radova ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
 5. Po završetku predmetne aktivnosti i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine FBiH“, broj 31/15, 55/19, 41/20 i 63/22).
 6. Korisnik vodne saglasnosti je dužan da prije početka izvođenja radova u saradnji sa nadležnim službama Grada Goražde riješi imovinsko-pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
 7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja, kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
 8. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeti radovi na izgradnji/polaganju dijela trase kolektora oborinskih voda na lijevoj obali rijeke Drine na dijelu parcele označene kao k.č. broj: 1969/11 i 4060 K.O. Goražde I, grad Goražde, dionica u ul. 1. Maj, u skladu sa Izvedbenim projektom iz tačke 1. dispozitiva ovog rješenja.
 9. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta

Obrazloženje

Grad Goražde podnio je zahtjev za donošenje rješenja o vodnoj saglasnosti na projektnu dokumentaciju – izgradnja/polaganje dijela trase kolektora oborinskih voda na lijevoj obali rijeke Drine na dijelu parcele označene kao k.č. broj: 1969/11 i 4060 K.O. Goražde I, grad Goražde, dionica u ul. 1. Maj, urađen od strane ENOVA d.o.o. Sarajevo, januar 2024. godine, a u postupku pribavljanja odobrenja za građenje.

Uz zahtjev je dostavljena slijedeća dokumentacija:

- Kopija Uvjerenja o poreznoj registraciji za Grad Goražde - gradonačelnik izdatog dana 24.08.2017. godine od strane Porezne uprave Federacije BiH – Kantonalni porezni ured Goražde;
- Mišljenje dato od strane Službe za urbanizam, prostorno uređenje i komunalne poslove Grad Goražde, broj: 04-3-19-2-807/24 dana 18.11.2024. godine;
- Kopija Rješenja o urbanističkoj saglasnosti broj: 04-4-19-2-807/24 od 03.04.2025. godine donesenog od strane Službe za urbanizam, prostorno uređenje i komunalne poslove Grad Goražde
- Izvedbeni projekat oborinskog kolektora iz naselja Obarak do rijeke Drine u Goraždu (dionica u ulici 1. Maj), urađen od strane «ENOVA» d.o.o. Sarajevo, broj: UPI/03-19-2-1562/22 dana 23.01.2023. godine,
- Dokaz o uplaćenju upravnoj pristojbi.

Uz zahtjev za donošenje Rješenja o vodnoj saglasnosti na projektnu dokumentaciju dostavljen je „Izvedbeni projekat oborinskog kolektora iz naselja Obarak do rijeke Drine u Goraždu (dionica u ul. 1. Maj)“, urađen od strane ENOVA d.o.o. Sarajevo, januar 2024. godine.

U dokaznom postupku utvrđeno je da je projektna dokumentacija urađena u skladu sa tačkom 3. Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-602-4/24 od 13.12.2024. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: „Izvedbeni projekat oborinskog kolektora iz naselja Obarak do rijeke Drine u Goraždu (dionica u ul. 1. Maj)“, urađen od strane ENOVA d.o.o. Sarajevo, januar 2024. godine, data vodna saglasnost na istu.

Urbanističke uslove za izvođenje predmetnih radova, podnosiocu zahtjeva je kroz izdato Rješenje o urbanističkoj saglasnosti propisala Služba za urbanizam, prostorno uređenje i komunalne poslove Grad Goražde.

Projektnim rješenjem nije planirano ukrštanje kolektora sa vodotokom I kategorije, niti je planirano polaganje istih u vodnom dobru vodotoka I kategorije izuzev dijela kolektora DN 800, na lijevoj obali, od okna RO1 (novi kolektor) do vodotoka (do ispusne građevine sa žabljim poklopcem).

Na osnovu utvrđenog činjeničnog stanja, a u cilju smanjenja negativnih uticaja predmetnih aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom saglasnosti, u tački 3. dispozitiva ovog rješenja, shodno odredbama članova 114. Zakona o vodama i člana 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je potrebno ispuniti tokom izvođenja radova.

Uzimajući u obzir naprijed navedeno, na osnovu člana 109. stav (1), a u vezi sa članom 12. stav (1) tačka 1. i 6. Zakona o vodama i članom 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).


UPUTA O PRAVNOM LIJEKU


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac Sektora za izdavanje vodnih akata


Nihad Pezo, dipl.inž.građ.



PRILOG: „Izvedbeni projekat oborinskog kolektora iz naselja Obarak do rijeke Drine u Goraždu (dionica u ulici 1. Maj), urađen od strane «ENOVA» d.o.o. Sarajevo, broj: UPI/03-19-2-1562/22, dana 23.01.2023. godine (dva primjerka)

Dostaviti:

- Grad Goražde, Služba za urbanizam, prostorno uređenje i komunalne poslove, Ul. Maršala Tita 2, 73000 Goražde (sa prilogom)
- ⊖ AVP Sava – ISV Vodna knjiga
- Sektor 40 – Arhiva
- Oglasna ploča AVP Sava